

資治通鑑補

資治通鑑補卷第一百八十七

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀三

起正月盡十月不滿一年

高祖神堯大聖光孝皇帝上之下

己武德二年

王世充開明元沈法興延康元李子通明政元年是歲隋恭帝侗李軌朱粲俱亡并齊建德林士宏劉武

周蕭銑梁師都凡入僭國

春正月壬寅王世充悉取隋朝顯官名士為太尉府

官屬杜淹戴胃皆預焉胄安陽人也

安陽縣帶相州

隋將軍王隆帥屯

衛將軍張鎮周

楊帝改左右領軍衛為左右屯衛

都水少監蘇世長等以山南兵

始至東都

義甯元年七月遣王隆會兵東都今始至

王世充專總朝政事無大小悉

開太尉府臺省監署莫不闕然世充立三牌於府門外一求文學

才識堪濟時務者一求武勇智略能摧鋒陷敵者一求能理冤滯

擁抑不申者於是上書陳事日有數百世充悉引見躬自省覽殷

勤慰諭人人自喜以爲言聽計從然終無所施行下至士卒廝養

折薪爲薪世充皆以甘言悅之而實無恩施隋馬軍總管獨孤武

都爲世充所親任其從弟司隸大夫機楊帝置司隸臺以大夫爲之長掌諸巡察正四品

與虞部郎楊恭慎六典周禮地官有山虞澤虞蓋虞部之職也魏始有虞曹郎中晉因之梁陳爲侍郎後周冬官

有虞部下大夫梁陳後魏北齊並視部尚書領之隋工部尚書領之楊帝曰虞曹郎前渤海郡主簿孫師孝

楊帝改滄州爲渤海郡步兵總管劉孝元李儉崔孝仁謀召唐兵使孝仁說

武都曰王公徒爲兒女之態以悅下愚而鄙隘貪忍不顧親舊豈

能成大業哉圖讖之文應歸李氏人皆知之唐起晉陽奄有關內

兵不留行英雄景附且坦懷待物舉善責功不念舊惡據勝勢以

爭天下誰能敵之吾屬託身非所坐待夷滅今任管公兵近在新

安任瓌以穀州刺史鎮新安封管國公又吾之故人也若遣閒使召之使夜造城下

吾曹共爲內應開門納之事無不集矣武都從之事泄世充皆殺

之恭慎達之子也達隋觀德王雄之弟癸卯命秦王世民出鎮長春宮長春

宮在同州朝邑縣後周宇文護所建宇文化及攻魏州總管元寶藏四旬不克魏

徵往說之丁未寶藏舉州來降魏徵本元寶藏官屬戊午淮安王神通擊

宇文化及於魏縣化及不能抗東走聊城聊城縣時屬魏州武德四年分爲博州神

通拔魏縣斬獲二千餘人引兵追化及至聊城圍之甲子以陳

叔達爲納言丙寅李密所置伊州刺史張善相來降朱粲有

眾二十萬剽掠漢淮之閒遷徙無常每破州縣食其積粟未盡復

他適將去悉焚其餘資又不務稼穡民餒死者如積粲無可復掠軍中乏食乃教士卒烹婦人嬰兒噉之曰肉之美者無過於人但使他國有人何憂於餒隋著作佐郎陸從典通事舍人顏愍楚六典

著作佐郎修國史宋百官春秋云常道繹公咸熙百官各有著作佐郎三人晉制著作佐郎始到職必撰名臣傳一人宋氏之初國朝始建宋有合撰者此制遂替後周春官府置著作中士即著作佐郎之任通事舍人即秦之謁者漢書百官表謁者掌賓贊受事

舊儀云謁者自缺選郎中美鬚眉大音者補晉初中書置舍人通事各一人東晉令舍人通事兼謁者之任通事舍人之名由此始也隋初罷謁者官置通事舍人楊帝改通事

舍人為通事謁者顏愍楚蓋大業前為舍人謫官在南陽粲初引為賓客其後無食闔家皆為所噉愍楚之推之丞也又稅諸城堡

細弱以供軍食諸城堡相帥叛之淮安土豪楊士林田瓚起兵攻粲後魏置東荊州於比陽西魏改為淮州梁置淮安縣於桐柏并立上川郡隋開皇廢郡改淮安為桐柏縣改淮安郡曰蘄州領比陽平氏桐柏等七縣諸州皆應之粲與戰於淮源水經注淮水大業改蘄州為淮安郡

柏大復山山南有淮源廟唐州桐柏淮源縣碑漢延熹六年立其文曰淮出平氏始于大復潛行地中見于陽口 大敗帥

餘眾數千犇菊潭菊潭舊曰鄆縣開皇初改焉時屬鄆州山有菊人飲其水多壽故以名縣士林家世

蠻酋隋末士林為鷹揚府校尉殺郡官而據其郡既逐朱榮己巳

帥漢東四郡遣使詣信州總管廬江王瑗請降大業改隋州為漢東郡唐復為信州詔以為顯州道行臺

魚復大業改為巴宋白曰後魏置東荊州于東郡唐復為信州比陽後改淮州隋文帝改

顯州取界內顯望岡為名士林以瓚為長史 初王世充既殺元盧元盧者元文都與盧

楚也事見一百八十五卷元年七月盧人情未服猶媚事皇泰主禮甚謙敬又請為

劉太后假子上尊號曰聖感皇太后既而漸驕橫當賜食於禁中

還家大吐疑遇毒自是不復朝謁皇泰主知其終不為臣而力不

能制唯取內庫綵物大造幡花又出諸服玩令僧散施貧乏以求

福世充使其黨張績董洛守寧善顯福二門東都皇城南面三門中日應天左日興教

右曰光政興教之內曰會昌其北曰宮中雜物毫釐不得出是月
章善光政之內曰廣運其北曰顯福世充使人獻印及劔又言河水清欲以耀眾爲己符瑞云 詔自
今正月五月九月不行死刑 上遣金紫光祿大夫武功靳孝謨
安集邊郡爲梁師都所獲孝謨罵之極口師都殺之二月詔追賜
爵武昌縣公謚曰忠 初定均田租庸調法度田之制其闊五尺
爲一步其長二百四十步爲一畝畝百爲頃凡民始生爲黃四歲
爲小十六爲中二十三爲丁六十爲老授田之制丁男中男給田
一頃篤疾減十之六寡妻妾減七皆以十之二爲世業八爲口分
世業之田樹以榆棗桑及所宜之木皆有數田多可以足其人者
爲寬鄉少者爲狹鄉狹鄉授田減寬鄉之半其地有厚薄歲一易
者倍授之寬鄉三易者不倍授爲工商者寬鄉減半狹鄉不給世

業之田身死則承戶者便授之口分則收入官更以給人凡庶人徙鄉及貧無以葬者得賣世業田自狹鄉而徙寬鄉者得并賣口分田已賣者不復授凡收授皆以歲十月授田則先貧及有課役者凡田鄉有餘以給比鄉縣有餘以給比縣州有餘以給近州賦役之法每丁歲輸粟二斛稻三斛謂之租調則隨鄉土所產歲輸絹二匹綾純各二丈施施音布加五之一綿三兩麻三斤非蠶鄉則輸銀十四兩歲役二旬閑加二旦不役則收其庸曰爲絹三尺有事而加役者旬有五日免其調三旬租調俱免甯正役不過五十日若嶺南諸州則稅米上戶一斛二斗次戶八斗下戶六斗若夷獠之戶皆從半輸番胡內附者上戶丁稅錢十文次戶五文下戶免之附經二年上戶丁輸羊二口次戶一口下三戶共一口自茲

以外不得橫有調斂凡水旱蟲霜爲災十損四以上免租損六以上免調損七以上課役俱免凡歲斂之數皆書於縣門村坊與眾

知之凡民賢業分三等

改正三等通鑑原文作九等此雖據舊志書之然貞觀九年三月詔民賢分三等未

盡其詳宜分九等則知此年止分三等未分爲九也故改九爲三

百戶爲里五里爲鄉四家爲鄰

四鄰爲保在城邑者爲坊田野者爲村食祿之家無得與民爭利

工商雜類不得與於士伍每歲二造計帳三年二造戶籍

移置此條舊志

繫之於武德七年新紀繫之於此年通鑑于此年七年兩載之雖詳略小有不同然總之一事也今依新紀詳載於此而去其七年所載初令文武官終喪丙戌詔諸宗姓居官者在同列之上未

仕者免其徭役每州置宗師一人以攝總別爲團伍張俟德至

涼李軌召其羣臣廷議曰唐天子吾之從兄今已正位京邑一姓不可自爭天下吾欲去帝號受其封爵可乎曹珍曰隋失其鹿天

下其逐之稱王稱帝者奚啻一人唐帝關中涼帝河右固不相妨

且已爲天子奈何復自貶黜必欲以小事大請依蕭督事魏故事

蕭督事魏見一百六十五卷梁元帝承聖三年軌從之戊戌軌遣其尙書左丞鄧曉入見

奉書稱皇從弟大涼皇帝臣軌而不受官爵帝怒拘曉不遣始議

興師討之初隋煬帝自征吐谷渾吐谷渾可汗伏允以數千騎奔

党項事見一百八十一卷煬帝大業五年煬帝立其質子順爲主使統餘眾不果入

而還會中國喪亂伏允復還收其故地上受禪順自江都還長安

上遣使與伏允連和使擊李軌許以順還之伏允喜起兵擊軌數

遣使入貢請順上遣之爲後太宗立順以統吐谷渾之眾張本閏月朱粲遣使請

降詔以粲爲楚王聽自置官屬以便宜從事 宇文化及以珍貨

誘海曲諸賊賊帥王薄帥眾從之與其守聊城竇建德謂其羣下

曰吾爲隋民數十年矣隋爲吾君且二代矣今宇文化及弑逆乃
吾讎也吾不可以不討乃引兵趣聊城淮安王神通攻聊城化及
糧盡請降神通不許安撫副使崔幹勸神通許之神通曰軍士暴
露日久賊食盡計窮克在旦暮正當攻取以示國威且散其玉帛
以勞將士若受其降將何以爲軍賞乎幹曰今建德方至若化及
未平內外受敵吾軍必敗夫不攻而下之爲功甚易奈何貪其玉
帛而不受乎神通怒囚幹於軍中旣而宇文士及自濟北餽化及
濟北郡化及軍稍振遂復拒戰神通督兵攻之貝州刺史趙君德
攀堞先登時復以清河郡爲貝州宋白曰貝州清河郡春秋爲晉東陽之地亦爲齊境秦爲鉅鹿郡地漢分鉅鹿郡置清河郡理清河石趙移郡理平晉城卽今博州清平縣後周平齊於清河縣置貝州清河後漢之甘陵清陽縣又兼有漢貝邱縣之地
貝州以神通心害其功收兵不戰君德大詬而下遂不克建德軍
此得名神通心害其功收兵不戰君德大詬而下遂不克建德軍

且至神通引兵退建德與化及連戰大破之化及復保聊城建德縱兵四面急攻王薄開門納之建德入城生擒化及先謁隋蕭皇后語皆稱臣素服哭煬帝盡哀收傳國璽及鹵簿儀仗撫存隋之百官然後執逆黨宇文弼及楊士覽元武達許宏仁孟景集隋官冥臨斬之梟首軍門之外以檻車載化及并二子承基承趾至襄國斬之

煬帝改邢州爲襄國郡杜佑曰邢州古邢國治龍岡縣秦爲信都項羽改襄國隋改龍岡考異曰隋書云載之河間

斬之唐書云至大陸斬之河洛記云建德將化及并肅后南陽公主隨軍于時襄國郡尙爲隋守建德因其週兵欲攻之營於城下遣大姓官引化及出營東南二里許宣令數其罪并二子一化及號建王一號蜀王同時受戮按蜀王乃士及所封今不取

化及且死更無餘言但云不負夏王建德每戰勝克城所得資財悉以分將士身無所取又不噉肉常食蔬茹粟飯妻曹氏不衣紈綺服役婢妾纔十許人及破化及得隋宮人千數即時散遣之以隋黃

門侍郎裴矩為左僕射掌選事兵部侍郎崔君肅為侍中少府令

何稠為工部尚書

漢書百官表少府奏官至北齊不置少府以其屬官并太府寺隋煬帝大業三年始分太府為

少府監置監少監其後

改監為令少監為少令右司郎中柳調為左丞

六典左右司郎中前代不置煬帝三

年尚書都司始置左右司郎中各一人掌都省之職品同諸曹郎從五品司馬彪續漢書云尚書丞一人秦所置漢因之成帝置列

曹尚書更置丞四人至光武減其二惟置左右丞各一人丞者承也言承助令僕總理臺事也

虞世南為黃門侍

郎歐陽詢為太常卿詢紇之子也

歐陽紇見一百七十卷陳宣帝太建元年存疑詢為太常卿詢

新舊傳及建德新舊傳皆無此事

自餘隨才授職委以政事其不願畱欲詣關中

及東都者亦聽之仍給資糧以兵援之出境隋驍果尚近萬人亦

各縱遣任其所之又與王世充結好遣使奉表於隋皇泰主皇泰

主封為夏王建德起於蠶盜雖建國未有文物法度裴矩為之定

朝儀制律令建德甚悅每從之諮訪典禮

甲辰上考第羣臣以

李綱孫伏伽爲第一因置酒高會謂裴寂等曰隋氏以主騎臣諂
亡天下朕卽位以來每虛心求諫然惟李綱差盡忠款孫伏伽可
謂誠直餘人猶踵敝風俛首而已豈朕所望哉朕視卿如愛子卿
當視朕如慈父有懷必盡勿自隱也因命捨君臣之敬極歡而罷
遣前御史大夫段確使於朱粲 初上爲隋殿內少監宇文士
及爲尙輦奉御上與之善士及從化及至黎陽上手詔召之士及
潛遣家僮問道詣長安又因使者獻金環金環言欲還長安化及至魏縣
兵勢日蹙士及勸之歸唐化及不從內史令封德彝說士及請於
濟北徵督軍糧以觀其變化及稱帝立士及爲蜀王化及死士及
與德彝自濟北來降時士及妹爲昭儀有寵由是授上儀同上以
封德彝隋室舊臣而諂巧不忠深誚責之罷遣就舍德彝以秘策

干上上悅尋拜內史舍人俄遷侍郎 隋末盜賊競起民不聊生

夷陵郡丞安陸許紹獨保全郡境流戶自歸者數十萬口開倉賑

濟甚得人心及江都弒逆紹率郡人大臨三日甲寅帥黔安武陵

澧陽等諸郡來降 梁置宜州於夷陵郡西魏改曰拓州後周改曰

楊帝改爲夷陵郡改安州爲安陸郡黔州爲黔安郡武陵郡梁置

武州後改曰沅州隋改曰朗州大業復爲郡澧陽隋初置澧州大

業改爲郡考異曰舊書傳云世充篡位乃來紹幼與帝同學詔以

紹爲峽州刺史賜爵安陸公帝降敕書曰昔在子衿同遊庠序博

士吳琰其妻姓仇追想此時宛然心目在昔歲月遂成累紀其閒

遊處觸事可想雖廬綰與剡邦同里吳質與曹丕接席以今方古

何足稱焉而公追硯席之舊歡存通家之曩好明鑒去就之理洞

識成敗之機爰自荆門馳心絳闕綏懷士庶糾合賓僚踰越江山

遠申誠款覽此忠至彌以慰懷 丁巳驃騎將軍張孝珉以勁卒

百餘人襲王世充汜水城入其郛沈米船百五十艘隋志汜水縣舊曰成皋即

虎牢也後魏置東中府東魏置北豫州後周置 己未王世充寇

穀州世充以秦叔寶爲龍驤大將軍程知節爲將軍待之皆厚然

二人疾世充多詐知節謂叔寶曰王公氣度淺狹而多妄語好爲

呪誓此乃老巫嫗耳豈撥亂之主乎世充與唐兵戰於九曲水經

陽水自宜陽而東逕九曲南其地十里有坂九曲穆天子傳所謂

天子西征升于九阿此是也洛水又東與豪水會豪出新安縣密

山南流歷九曲東而南流入於洛舊志 叔寶知節皆將兵在陳與

其徒數十騎西馳百許步下馬拜世充曰僕荷公殊禮深思報效

公性猜忌喜信讒言非僕託身之所今不能仰事請從此辭遂躍

馬來降

考異曰河洛記二月王世充將兵圍新安將軍程咬金帥其徒以歸義按新安乃穀州也而梁載言十道志九曲在

壽安壽安乃熊州也或
者世充亦寇熊州乎 世充不敢逼上使事秦王世民世民素聞

其名厚禮之以叔寶為馬軍總管知節為左三統軍時世充驍將

又有驍騎武安李君羨隋改洛州為武安郡征南將軍臨邑田畱安隋臨邑縣屬齊

郡亦惡世充之為人帥眾來降世民引君羨置左右以畱安為右

四統軍 王世充囚李育德之兄厚德於獲嘉獲嘉漢縣武帝巡幸至此聞破南越

縣呂嘉因以名厚德與其守將趙君穎逐殷州刺史段大師以城

來降以厚德為殷州刺史隋開皇十六年於獲嘉縣置殷州大業初州廢王世充復置今因以命厚德

竇建德陷邢州執總管陳君賓 上遣殿內監竇誕隋煬帝置殿內監諱

中改為內唐為殿中監 右衛將軍宇文歆秦漢始置衛將軍晉武

是時蓋未改隋官名也 助并州總管齊王元吉守晉陽誕抗之子也

左右翊衛唐復舊 尚帝女襄陽公主元吉性驕侈奴客婢妾數百人好使之被甲戲

爲攻戰前後死傷甚眾元吉亦嘗被傷其乳母陳善意苦諫元吉
醉怒命壯士毆殺之性好田獵出必載罔罟三十車嘗言我甯三
日不食不能一日不獵常與誕遊獵蹂踐人禾稼又縱左右奪民
物當衢射人觀其避箭夜開府門宣淫他室百姓憤怨歆屢諫不
納乃表言其狀壬戌元吉坐免官

爲元吉失守張本

癸亥陟州刺史李

育德攻下王世充河內堡聚三十一所乙丑世充遣其兄子君廓
侵陟州育德擊走之斬首千餘級李厚德歸省親疾使育德守獲
嘉世充并兵攻之丁卯城陷育德兄弟三人皆戰死己巳李公

逸以雍邱來降拜杞州總管以其族弟善行爲杞州刺史

隋志梁郡雍邱

縣後魏置陽夏郡開皇廢郡置杞州大業廢州爲縣李公逸因亂據之今復置州時邊要州置總管及刺史

隋吏部

侍郎楊恭仁雒之子也從宇文化及至河北化及敗魏州總管元

寶藏獲之送長安上與之有舊拜黃門侍郎突厥始畢可汗將

其眾度河至夏州

夏州漢朔方之地赫連所都統萬也魏滅赫連以爲統萬鎮魏太和十一年置夏州因赫連故

國因以名州隋大業改州爲朔方郡今復以朔方郡爲夏州梁師都發兵會之以五百騎授劉

武周欲自句注入寇太原會始畢卒子什鉢苾幼未可立立其弟

俟利弗設爲處羅可汗處羅以什鉢苾爲泥步設使居東偏直幽

州之北也

直當

先是上遣右武侯將軍高世靜奉幣使於突厥至豐

州

復以五原郡爲豐州豐州漢朔方郡地後周保定三年置永豐鎮隋開皇五年置豐州因鎮爲名大業廢州爲五原郡唐

復爲

聞始畢卒敕納幣於所在之庫突厥聞之怒欲入寇豐州總

管張長遜遣世靜以幣出塞爲朝廷致賄突厥乃還

三月庚午

梁師都寇靈州長史楊則擊走之

邊要之州置總管刺史長史司馬

壬申王世

充寇穀州刺史史萬寶戰不利

庚辰隋北海通守鄭虔符文登

令方惠整及東海齊郡東平任城平陸壽張須昌賊帥王薄等竝

以其地來降

煬帝以青州爲北海郡文登縣屬東萊郡以海州爲東海郡齊州爲齊郡鄒州爲東平郡須昌縣屬焉任

城平陸二縣屬魯郡壽張縣屬濟北郡

王世充之寇新安也外示攻取實召文武

之附己者議受禪李世英深以爲不可曰四方所以奔馳歸附東

都者以公能中興隋室故也今九州之地未清其一遽正位號恐

遠人皆思叛去矣世充曰公言是也長史韋節楊續等曰隋氏數

窮在理昭然夫非常之事固不可與常人議之太史令樂德融曰

昔歲長星出乃除舊布新之徵

隋志大業十三年六月有星孛于太微五帝座色黃赤長三四尺許

今歲星在角亢鄭之分野

晉天文志自軫十二度至氐四度爲壽星於辰在辰鄭之分野屬兗州陳

卓范最鬼谷先生張良諸葛亮京房譙周張衡竝云角亢氐鄭兗州

若不亟順天道恐王氣衰息世

充從之外兵曹參軍戴胄

外兵曹隋官無之世充取魏晉以來官制而置之耳

言於世充曰

君臣猶父子也休戚同之明公莫若竭忠徇國則家國俱安矣世充詭辭稱善而遣之世充議受九錫胄復固諫世充怒出爲鄭州長史使與兄子行本鎮虎牢乃使段達等言於皇泰主請加世充九錫皇泰主曰鄭公近平李密已拜太尉自是以來未有殊績俟天下稍平議之未晚段達曰太尉欲之皇泰主熟視達曰任公辛巳達等以皇泰主之詔命世充爲相國假黃鉞總百揆進爵鄭王加九錫鄭國置丞相以下官初字文化及以隋大理卿鄭善果爲民部尙書從至聊城爲化及督戰中流矢寶建德克聊城王琮獲善果責之曰公隋室大臣也自辱夫人亡後清稱益衰又忠臣子奈何爲弑君之賊效命苦戰傷殘至此乎善果大慚欲自殺宋正本馳往救止之建德復不爲禮乃犇相州淮安王神通送之長

安王年善果至上優禮之拜左庶子檢校內史侍郎 齊王元吉

諷并州父老詣闕謁己甲申復以元吉爲并州總管 戊子淮南

五州皆遣使來降 辛卯劉武周寇并州 壬辰營州總管鄧謨

擊高開道敗之 甲午王世充遣其將高毗寇義州

新志武德元年以衛州之東都道士桓法嗣獻孔子閉房記於王世充

及新鄉置義州仍高齊舊州名也 王世充

作丈夫持一干以驅羊云楊隋姓也干一王字也王居羊後明

相國代隋爲帝也又取莊子人閒世德充符二篇上之云上篇言

世下篇言充此卽相國名也明當德被人閒而應符命爲天子也

世充大悅曰此天命也再拜受之以法嗣爲諫議大夫世充又羅

取雜鳥書帛繫頸自言符命而縱之有得鳥來獻者亦拜官爵於

是段達以皇泰主命加世充殊禮世充奉表三讓百官勸進設位

於都堂納言蘇威年老不任朝謁世充以威隋氏重臣欲以眩耀

士民每勸進必冠威名及受殊禮之日扶威置百官之上然後南

面正坐受之 夏四月劉武周引突厥之眾軍於黃蛇嶺嶺在榆次縣北

兵鋒甚盛齊王元吉使車騎將軍張達以步卒百人嘗寇嘗武達

辭以兵少不可往元吉強遣之至則俱沒達忍恨庚子引武周襲

榆次陷之榆次縣屬并州漢古縣也 散騎常侍段確性嗜酒奉詔慰勞朱粲

於菊潭是年二月段確以前御史大夫出使今書散騎常侍蓋續命之 辛丑乘醉侮粲曰聞卿好

噉人人作何味粲曰噉醉人正如糟藏彘肉確怒罵曰狂賊入朝

為一頭奴耳復得噉人乎粲於座收確及從者數十人悉烹之以

噉左右遂屠菊潭犇王世充世充以為龍驤大將軍 王世充令

長史韋節楊續等及太常博士衡水孔穎達衡水縣屬冀州本漢桃縣隋開皇十六年

置衡造禪代儀遣段達雲定興等十餘人入奏皇泰主曰天命不

常鄭王功德甚盛願陛下遵唐虞之迹皇泰主斂膝據案怒曰天

下高祖之天下若隋祚未亡此言不應輒發必天命已改何煩禪

讓公等或祖禰舊臣或台鼎高位既有斯言朕復何望顏色凜冽

在廷者皆流汗退朝泣對太后世充更使人謂之曰今海內未甯

須立長君俟四方安集當復子明辟必如前誓謂去年七月禁癸中被髮之誓也

卯世充稱皇泰主命禪位於鄭遣其兄世惲幽皇泰主於含涼殿

雖有三表陳讓及敕書敦勸皇泰主皆不知也遣諸將引兵入清

宮城又遣術人以桃湯葦火袂除禁省隋將帥郡縣及賊帥前

後繼有降者詔以王薄爲齊州總管齊州治歷城縣古歷下城也漢爲歷城縣劉宋僞立冀州

於此魏爲濟南郡隋立伏德爲濟州總管鄭虔符爲青州總管基

公順為淮州總管

宋白曰濟州古碭城也秦為東都荏平地宋置碭城及濟北郡後魏立濟州按蔡公順本

起北海新志云是年分青州之北海營即下密道離州蓋以公順為離州總管淮當作離宋白曰離州取界內離水為名王孝

師為滄州總管

宋白曰滄州禹疏九河在此州界漢置白海郡理浮陽後魏置滄州

甲辰遣大理

卿新樂郎楚之安撫山東

舊志曰新樂古鮮虞子國漢新市縣屬中山郡隋改為新樂縣唐屬定州宋白

曰隋開皇十六年置新樂縣新樂者漢成帝時中山孝王母馮昭儀隨王就國建宮于西鄉呼為西樂城後語訛呼西為新故曰新

樂秘書監夏侯端安撫淮左 乙巳王世充備法駕入宮即皇帝

位丙午大赦改元開明

丁未隋禦衛將軍陳棱以江都來降以

棱為揚州總管

揚州漢廣陵江都之地自漢以來揚州所治不常厥邑至唐廣陵始專有揚州之名

戊申

王世充立子元應為太子元恕為漢王餘兄弟宗族十九人皆為

王奉皇泰主為潞國公以蘇威為太師段達為司徒雲定興為太

尉張儉為司空楊績為納言韋節為內史立王隆為左僕射韋霽

爲右僕射齊王世暉爲尙書令楊汪爲吏部尙書杜淹爲少吏部

少吏部郎

鄭頊爲御史大夫又以國子助教吳人陸德明爲漢王

師令元恕就其家行束修禮德明恥之服巴豆散臥稱病

巴豆有毒能病

人元恕入跪牀下對之遺利竟不與語德明名朗以字行世充於

闕下及元武門等數處皆設榻坐無常所親受章表或輕騎游歷

衢市亦不清道民但避路而已世充按轡徐行語之曰昔時天子

深居九重在下事情無由聞徹今世充非貪天位但欲救恤時危

正如一州刺史親覽庶務當與士庶共評朝政尙恐門有禁限慮

致壅塞今於門外設坐聽朝宜各盡情又令西朝堂納冤抑東朝

堂納直諫於是獻策上書者日有數百條流旣煩省覽難徧數日

後不復更出

竇建德聞王世充自立乃絕之始建天子旌旗出

警入蹕下書稱詔追諡隋煬帝為閔帝齊王暕之死也有遺腹子
政道建德立以為鄖公然猶依倚突厥以壯其兵勢隋義成公主
遣使迎蕭皇后及南陽公主建德遣千餘騎送之又傳字文化及
首以獻義成公主 丙辰劉武周圍并州齊王元吉拒卻之戊午
詔太常卿李仲文將兵救并州 王世充將軍邱懷義居門下內
省召越王君度漢王元恕將軍郭士衡雜妓妾飲博侍御史張蘊
古彈之世充大怒令散手執君度元恕批其耳數十散手者散手
仗也凡朝會
之仗三衛番上分為五仗一曰供奉仗以左右衛為之二曰親仗
以親衛為之三曰勳仗以勳衛為之四曰翊仗以翊衛為之皆服
鷩冠緋衫袂五曰散手仗以親勳翊衛為之服緋袍兩袖繡野馬
列坐于東西廊下唐謂之衛內五衛唐蓋因隋制世充亦因隋制
也
又命引入東上閣杖之各數十東都皇宮正殿曰乾陽殿左曰
東上閣右曰西上閣閣各有門
懷義士衡不問黃蘊古帛百段遷太子舍人君度世充之兄子也

世充每聽朝殷勤誨諭言辭重複千端萬緒侍衛之人不勝倦弊百司奏事疲於聽受御史大夫蘇良諫曰陛下語太多而無領要計云爾即可何煩許辭也世充默然良久亦不罪良然性如是終不能改也 王世充數攻伊州總管張善相拒之糧盡援兵不至

癸亥城陷善相罵世充極口而死帝聞歎曰吾負善相善相不負

吾也賜其子爵襄城郡公 五月王世充陷義州復寇西濟州

新志

濟源縣武德二年王世充將丁伯應以縣來降置西濟州遣右驍衛大將軍劉宏基將兵救之

李軌將安脩仁兄興貴仕長安表請說軌諭以禍福上曰軌阻兵恃險連結吐谷渾突厥吾興兵擊之尙恐不克豈口舌所能下乎興貴曰臣家在涼州奔世豪望爲民夷所附弟修仁爲軌所信任子弟在機近者以十數臣往說之軌聽臣固善若其不聽圖之

肘腋易矣上乃遣之興貴至武威軌以爲左右衛大將軍興貴棄
聞說軌曰涼地不過千里土薄民貧今唐起太原取函秦宰制中
原戰必勝攻必取此殆天啟非人力也不若舉河西歸之則寶融
之功復見於今日矣軌曰吾據山河之固彼雖彊大若我何汝自
唐來爲唐遊說耳興貴僞謝曰臣聞富貴不歸故鄉如衣繡夜行
臣闔門受陛下榮祿安肯附唐但欲效其愚慮可否在陛下耳於
是唐與修仁陰結諸胡起兵擊軌軌出戰而敗嬰城自守興貴徇
曰大唐遣我來誅李軌敢助之者夷三族城中人爭出就興貴軌
計窮與妻子登玉女臺軌集玉女臺見上卷上年置酒爲別庚辰興貴執之以
聞河西悉平鄧曉在長安舞蹈稱慶上曰汝爲人使臣聞國亡不
感而喜以求媚於朕不忠於李軌何爲朕用乎遂廢之終身軌至

長安并其子弟皆伏誅以安興貴爲右武侯大將軍上柱國涼國

公賜帛萬段安脩仁爲左武侯大將軍申國公 隋末離石胡劉

龍兒舊志云離石漢縣後周改爲昌化郡隋爲離石郡唐爲石州離石胡匈奴種也卽稽胡擁兵數萬自號

劉王以其子季眞爲太子虎賁郎將梁德驤斬龍兒至是季眞與

第六兒復舉兵爲亂引劉武周之眾攻陷石州殺刺史王儉季眞

自稱突利可汗以六兒爲拓定王六兒遣使請降詔以爲嵐州總

管以懷遠郡置嵐州宋白曰因界內岢嵐山立名壬午以秦王世民爲左武侯大將軍

使持節涼甘等九州諸軍事涼州總管九州涼甘瓜鄯肅會蘭河

其太尉尙書令雍州牧陝東道行臺並如故遣黃門侍郎楊恭仁

安撫河西秦仁素習邊事曉羌胡情僞民夷悅服自蔥嶺以東並

入朝貢 丙戌劉武周陷平遙平遙縣屬汾州卽漢平陽縣魏遼國諱改陶爲遙 癸巳

山東道安撫副使陳政爲麾下所殺擣其首犇王世充政茂之子也王世充以禮部尚書裴仁基左輔大將軍裴行儼有威名忌

之仁基父子知之亦不自安乃與尚書左丞宇文儒童儒童弟尚

食直長溫

隋志尚食局屬殿中省有奉御有直長

散騎常侍崔德本謀殺世充及其

黨復尊立皇泰主事泄皆夷三族齊王世暉言於世充曰儒童等

謀反正爲皇泰主尙在故也不如早除之世充從之遣兄子唐王

仁則及家奴梁百年酖皇泰主皇泰主曰更爲請太尉以往者之

言未應至此百年欲爲啓陳世暉不許又請與太后辭訣亦不許

乃布席焚香禮佛願自今以往不復生帝王家飲藥不能絕以帛

縊殺之諡曰恭皇帝世充以其兄楚王世偉爲太保齊王世暉爲

太傅領尙書令六月戊戌詔立周公孔子廟於國子學四時致

祭仍博求其後 庚子竇建德陷滄州 初易州賊帥宋金剛有

眾萬餘與魏刀兒連結

易州上谷郡宋白曰易州六國時燕地秦并天下是爲上谷郡漢置涿鹿今州卽涿

郡故安縣地屬經云隋初自今遂城縣所理英雄城移南營州居燕之候臺仍改名易州取州南易水爲名

刀兒爲竇

建德所滅金剛救之戰敗帥眾四千西奔劉武周武周聞其善用

兵得之甚喜號曰宋王委以軍事中分家貲以遺之金剛亦深自

結出其故妻納武周之妹因說武周圖晉陽南向爭天下武周以

金剛爲西南道大行臺使將兵三萬寇并州丁未武周進逼介州

義甯元年以介休平遙置介休郡武德元年曰介州

沙門道澄以佛幡縋之入城遂陷介州

詔左武衛大將軍姜寶誼行軍總管李仲文擊之武周將黃子英

往來雀鼠谷

舊志介休縣有雀鼠谷

數以輕兵挑戰兵纔接子英陽不勝而

走如是再三寶誼仲文悉眾逐之伏兵發唐兵大敗寶誼仲文皆

爲所虜

考異曰舊裴寂傳云賈說仲文相久陷沒按實錄二人敗處皆在雀鼠谷賊將黃子英陽不勝以誘之遇伏而役事

迹並同必一時

其戰皆被擒耳既而俱逃歸上復使二人將兵擊武周

己酉突

厥使來告始畢可汗之喪上舉哀於長樂門

六典長樂宮城南面三門中曰承天東曰

長樂西

廢朝三日詔百官就館弔其使者又遣內史舍人鄭德挺

弔處羅可汗賻帛三萬段

上以劉武周入寇爲憂右僕射裴寂

請自行癸亥以寂爲晉州道行軍總管

晉州曹魏之平陽郡後魏眞君四年置東雍州孝昌

中改爲唐州建義元年又改爲晉州隋爲臨汾郡唐復爲晉州

討武周聽以便宜從事

秋七月

初遣十二軍分關內諸府以隸焉皆取天星爲名以萬年道爲參

旗軍長安道爲鼓旗軍富平道爲元戈軍醴泉道爲井鉞軍同州

道爲羽林軍華州道爲騎官軍甯州道爲折威軍岐州道爲平道

軍豳州道爲招搖軍西麟州道爲苑游軍涇州道爲天紀軍宜州

道爲天節軍以車騎府統之每軍將副各一人取威名素重者爲

之督以耕戰之務由是士馬精彊所向無敵海岱賊帥徐圓朗

以數州之地請降拜兗州總管

兗州隋之魯郡禹貢之兗州東南距濟西北距河封域廣矣後漢以

來兗州所治不常厥邑所部亦廣至是始專以魯郡爲兗州

封魯國公王世充遣其將羅士

信寇穀州士信帥其眾千餘人來降先是士信從李密擊世充兵

敗爲世充所得世充厚禮之與同寢食旣而得酈元真等待之如

士信士信恥之士信有駿馬世充兄子趙王道詢欲之不與世充

奪之以與道詢士信怒故來降上聞其來甚喜遣使迎勞廩食其

所部以士信爲陝州道行軍總管

宋白曰陝州卽周二伯分陝之地也後魏太和十一年置陝州

世充左龍驤將軍臨涇席辯

新志臨涇縣屬涇州

與同列楊虔安李君義皆

帥所部來降丙子王世充遣其將郭士衡寇穀州刺史任瓌大

破之俘斬且盡甲申行軍總管劉宏基遣其將种如願襲王世充河陽城毀其河橋而還 乙酉西突厥統葉護可汗高昌王麴伯

雅各遣使入貢初西突厥曷薩那可汗入朝於隋隋人畱之國人

立其叔父號射匱可汗事見一百八十一卷煬帝大業七年射匱既立拓地東至金

山按開元中以西州爲金山都督府又突厥之先興於金山在高昌西北則知是山近高昌西至海此西海也遂與

北突厥爲敵建庭於龜茲北三彌山射匱卒弟統葉護立統葉護

勇而有謀北并鐵勒西拒波斯南接尉靺鞨控弦數十萬據烏孫故

地又移庭於石國北之千泉石國唐居枝庶之分王者也治柘折城漢時大宛北鄙也西域諸

國皆臣之統葉護各遣吐屯監之督其征賦 辛卯宋金剛寇浩

州浹旬而還唐初改西河郡爲浩州八月丁酉鄜公薨諡曰隋恭帝無後

以族子行基嗣 竇建德將兵十餘萬趣洛州洛州隋之武安郡淮安王

神通帥諸軍退保相州己亥建德兵至洛州城下 丙午將軍秦

武通軍至洛陽敗王世充將葛彥璋 丁未竇建德陷洛州總管

袁子幹降之乙卯引兵趣相州淮安王神通聞之帥諸軍就李世

勣於黎陽 梁師都與突厥合數千騎寇延州

延州府之延安郡

行軍總

管段德操兵少不敵閉壁不戰伺師都稍怠九月丙寅遣副總管

梁禮將兵擊之師都與禮戰方酣德操以輕騎多張旗幟掩擊其

後師都軍潰逐北二百里破其魏州

新志綏州城平縣置魏州因魏平關而名

虜男女

二千餘口德操孝先之子也 蕭銑遣其將楊道生寇峽州刺史

許紹擊破之銑又遣其將陳普環舟師上峽規取巴蜀紹遣其子

智仁及錄事參軍李宏節等追至西陵峽大破之

西陵峽世謂之步關壘唐貞觀

九年峽州徙治焉隋之峽州本治下牢戍在步關壘西南二十八里水經江水逕夷陵縣南又東逕流頭灘狼尾灘黃牛山之黃牛

灘而後逕西陵峽出峽東南流而後逕步聞壁此蓋自下牢追至西陵峽也擒普環銑遣兵戍安蜀城

及荆門城

安蜀城在公安縣界荆門城在長林縣界皆荊州西南要地

先是上遣開府李靖詣

信州經略蕭銑靖至峽州阻銑兵久不得進上怒其遲留陰敕許

紹斬之紹惜其才爲之奏請獲免己巳竇建德陷相州殺刺史

呂珉民部尙書魯公劉文靜自以才略功勳在裴寂之右而位

居其下意甚不平每廷議寂有所是文靜必非之數侵侮寂由是

有隙文靜與弟通直散騎常侍文起飲酒酣怨望拔刀擊柱曰會

當斬裴寂首家數有妖文起召巫於星下被髮銜刀爲厭勝文靜

有妾無寵使其兄上變告之上以文靜屬吏遣裴寂蕭瑀問狀文

靜曰建義之初忝爲司馬計與長史位望略同今寂爲僕射瑀甲

第臣官賞不異眾人東西征討老母留京師風雨無所庇實有缺

望之心因醉或有怨言不能自保上謂羣臣曰觀文靜此言反明

白矣李綱蕭瑀皆明反不秦王其世民爲之固請曰昔在晉陽文

靜先定非常之策始告寂知及克京城任遇懸隔今文靜缺望則

有之非敢謀反裴寂言於上曰文靜才略實冠時人性復粗險今

天下未定爾之必貽後患上素親寂低回久之卒用寂言考異曰高祖實

錄唐書唐歷等皆以文靜之死由于裴寂今據實錄此年六月裴寂爲營州道行軍總管討劉武周此月丁丑爲宋金剛敗於介州

去文靜死纔七日此時不當在京師實錄曰高祖低回者久之蓋未行時先有此言高祖未忍殺至是乃決意耳辛未文

靜及文起坐死籍沒其家 沈法興既克毘陵克毘陵見一百謂八十四卷三月謂

江淮之閒指揮可定自稱梁王都毘陵改元延康置百官性殘忍

專尙威刑將士小有過卽斬之由是其下離怨時杜伏威據歷陽

陳棱據江都李子通據海陵俱有窺江表之心法興軍數敗會子

通圍棲於江都棲送質求救於法興及伏威法興使其子綸將兵

數萬與伏威共救之伏威軍清流綸軍楊子相去數十里

舊志隋流縣漢

全椒縣地梁置南譙州居桑根山之朝陽在今縣西南八十里南譙州故城是也北齊自南譙故城徙治於新昌郡城今滁州治清

流縣是也隋志江都郡帶江陽縣有江都宮楊子宮唐永淳元年始分江都縣置揚子縣今真州治其地宋白曰清流縣因縣東清

流水爲名隋文帝更

梁新昌縣爲清流縣子通納言毛文深獻策募江南人詐爲綸兵

夜襲伏威兵伏威怒復遣兵襲綸由是二人相疑莫敢先進子通

得盡銳攻江都克之棲奔伏威子通入江都因縱擊綸大破之伏

威亦引去子通卽皇帝位國號吳改元明政丹陽賊帥樂伯通帥

眾萬餘降之

丹陽郡隋初之

子通以爲左僕射

杜伏威請降丁丑以

伏威爲江南安撫大使和州總管

和州漢歷陽縣地九江都尉治所晉氏南渡置戍守以防江侯

景之亂江西皆入高齊置和州於歷陽以南北通和往來之津要也大業廢州爲歷陽郡今復以歷陽郡爲和州

裴寂

至介休

介休漢古縣因介子推
介山而名時爲介州

宋金剛據城拒之寂軍於度索原

營中飲澗水金剛絕之士卒渴乏寂欲移營就水金剛縱兵擊之

寂軍遂潰失亡略盡寂一日一夜馳至晉州先是劉武周屢遣兵

攻西河浩州刺史劉瞻拒之

浩州隋之
西河郡

李仲文引兵就之與其守

西河及裴寂敗自晉州以北城鎮俱沒唯西河獨存姜寶誼復爲

金剛所虜謀逃歸金剛殺之裴寂上表謝罪上慰諭之復使鎮撫

河東劉武周進逼并州齊王元吉給其司馬劉德威曰卿以老弱

守城吾以彊兵出戰卒已元吉夜出兵攜其妻妾棄州奔還長安

元吉始去武周兵已至城下晉陽土豪薛深以城納武周武周遂

虜德威上聞之大怒謂禮部尙書李綱曰元吉幼弱未習時事故

遣寶誼宇文歆輔之晉陽彊兵數萬食支十年興王之基一旦棄

之聞字文歆首盡此策我當斬之綱曰王年少驕逸竇誕曾無規諫又掩覆之使士民憤怨今日之敗誕之罪也歆諫王不悛尋皆聞奏乃忠臣也豈可殺哉明日上召綱入升御座曰我得公遂無濫刑元吉自爲不善非二人所能禁也并誕赦之武周據太原遣宋金剛攻晉州拔之虜右驍衛大將軍劉宏基宏基逃歸金剛進逼絳州陷龍門宋白曰絳州晉都左傳所謂新田也後周武成二年置絳州龍門漢皮氏縣也後魏改爲龍門縣隋唐虜唐虜德威之被虜也武周令率其本兵往涪州招慰德威自拔歸朝兼陳賊中虛實及晉絳諸部利害上皆嘉納之衛尉少卿劉政會爲太原畱守亦爲武周所虜政會密表論武周形勢及賊平復其官爵西突厥曷薩那可汗與北突厥有怨曷薩那在長安北突厥遣使請殺之上不許羣臣皆曰係一人而失一國後必爲患

秦王世民曰人窮來歸我殺之不義上遲遲久之不得已丙戌引

曷薩那於內殿宴飲既而送中書省縱北突厥使者使殺之禮

部尙書李綱領太子詹事

漢書百官表詹事秦官掌皇后太子家

宋及後魏用人漸重北齊總東宮內外眾事無大小皆統之後周

置太子宮正官尹隋復置詹事唐統東宮三寺十率府之政令

太子建成始甚禮之嘗與僚屬遊溫湯綱時以疾不從有進生魚

於太子者將召饗人作餚時唐儉趙元楷在坐各自贊能爲鱠太

子從之既而謂曰飛刀鱠鯉調和鼎實公固能之至於弼諧審諡

還屬於李綱矣因遣使以絹三百匹遺之久之太子漸昵近小人

疾秦王世民功高頗相猜忌綱屢諫不聽乃乞骸骨上罵之曰卿

爲何潘仁長史乃恥爲朕尙書耶且方使卿輔導建成而固求去

何也綱頓首曰潘仁賊也每欲妄殺人臣諫之卽止爲其長史可

以無愧

爲長史事見一百八十四卷義甯元年

陛下創業明主臣不才所言如水投

石言於太子亦然臣何敢久污天臺辱東朝乎

天臺謂尚書省東朝謂東宮

上

曰知公直士勉畱輔吾兒戊子以綱爲太子少保尚書詹事如故

綱復上書諫太子曰綱耄矣日過時流墳樹已拱幸未就土忝傅

聖躬無以酬恩願效愚直竊見殿下飲酒過多誠非養生之術且

凡爲人子者務敦孝友以慰君父之心不宜聽信讒慝以疏骨肉

太子不憚而所爲如故綱鬱鬱不得志是歲固稱老病辭職詔解

尚書仍爲少保綱初仕隋仕不遂筮之得鼎筮人曰君當爲卿輔

然必待易姓乃如志仕不知退折足爲敗至是太子旣不受諫又

思筮者之言故頻乞骸骨 淮安王神通使慰撫使張道源鎮趙

州庚寅竇建德陷趙州

宋白曰趙州周穆王封造父於趙城卽此地後建德置趙郡隋大業初置趙州考異曰

資錄今年三月建德陷趙州此又云陷趙州蓋重複
或三月是貝州唐統紀惟有九月陷趙州今從之 執總管張志

昂及道源建德以二人及邢州刺史陳君賓不早下欲殺之國子

祭酒凌敬諫曰人臣各爲其主用彼堅守不下乃忠臣也今大王

殺之何以勵羣下乎建德怒曰吾至城下彼猶不降力屈就擒何

可捨也敬曰今大王使大將高士興拒羅藝於易水藝纔至士興

卽降大王之意以爲何如建德乃悟卽命釋之 乙未京師地震

梁師都復寇延州考異曰太宗實錄云經數月師都又來寇按

祖實段德操擊破之斬首二千餘級師都以百餘騎遁去德操以

功拜柱國賜爵平原郡公鄜州刺史鄜城壯公梁禮戰沒隋志上

置東秦州後改爲北華州西魏爲敷州大業冬十月己亥就加

二年改爲鄜城郡後改爲上郡唐爲鄜州涼州總管楊恭仁納言賜幽州總管燕公羅藝姓李氏封燕郡王

辛丑李藝破竇建德於衡水

衡水縣屬薊州宋白曰衡水縣本漢桃縣隋開皇十六年置衡水縣

癸卯以左武侯大將軍龐玉為梁州總管時集州獠反

新志武德元年

析梁州之雞江巴州之符陽長池白石置集州按隋志漢宕渠符陽之地也宋白曰後魏恭帝改梁之東巴州為集州以東北集川水為名玉討之獠據險自守軍不得進糧且盡熟獠與反者皆鄰里

親黨

近邊者為熟獠遠者為生獠

爭言賊不可擊請玉還玉揚言秋穀將熟百

姓毋得收刈一切供軍非平賊吾不返聞者大懼曰大軍不去吾

曹皆將餒死其中壯士乃入賊營與所親潛謀斬其渠帥而降餘

黨皆散玉追討悉平之

劉武周將宋金剛進攻涪州陷之

新志義甯

元年以絳郡之翼城絳縣置涪州因涪水為名

軍勢甚銳裴寂性怯無將帥之略唯發使

駱驛趣虞秦二州居民入城堡焚其積聚

新志義甯元年以蒲州之安邑虞鄉夏置安邑

郡武德元年曰虞州又義甯元年以蒲州之汾陰龍門置汾陰郡武德元年曰秦州

民驚擾愁怨皆思為盜

夏縣民呂崇茂聚眾自稱魏王以應武周

夏縣古虞公之地覆山虞坂皆在縣界隋屬河

東郡時屬虞州杜佑曰夏縣漢安邑縣地夏都安邑城在縣北十五里蓋以此名縣

寂討之爲所敗詔永安

王孝基工部尙書獨孤懷恩陝州總管于筠內史侍郎唐儉等將

兵討之時王行本猶據蒲坂未下亦與武周相應

去年十二月隋將堯君素死王

行本據蒲坂事見上卷

關中震駭上出手敕曰賊勢如此難與爭鋒宜棄大

河以東謹守關西而已

所謂蒲津關以西也

秦王世民上表曰太原王業所

基國之根本河東富實京邑所資若舉而棄之臣竊憤恨願假臣

精兵三萬必能平殄武周克復汾晉上於是悉發關中兵以益世

民所統使擊武周乙卯幸華陰至長春宮以送之 竇建德引兵

趣衛州

衛州漢汲縣地東魏立義州後周改衛州治汲

建德每行軍常爲三道輜重細弱

居中央步騎夾左右相去二里許建德以千騎前行過黎陽三十

里黎陽縣在衛州東北百二十里李世勣遣騎將邱孝剛將三百騎偵之孝剛驍

勇善馬槊與建德遇遂擊之建德敗走右方兵救之擊斬孝剛建

德怒還攻黎陽克之虜淮安王神通李世勣父蓋魏徵及帝妹同

安公主唯李世勣以數百騎走渡河數日以其父故還詣建德降

衛州聞黎陽陷亦降建德以李世勣爲左驍衛將軍使守黎陽考

日革命記使與其將高雅賢守新鄉按是時新鄉猶屬王世充使

劉黑闥守之世勣既事建德乃爲建德攻下新鄉處黑闥耳今從

書常以其父蓋自隨爲質以魏徵爲起居舍人滑州刺史王軌奴

殺軌攜其首詣建德降建德曰奴殺主大逆吾何爲受之立命斬

奴返其首於滑州吏民感悅卽日請降於是其旁州縣及徐圓朗

等皆望風歸附己未建德還洺州築萬春宮徙都之置淮安王神

通于下博

下博縣唐屬冀州宋白曰下博漢舊縣應劭云泰山有博縣故此云下放縣在今縣南二十里今縣後魏移於

衡水北俗謂之故縣城以周建德六年又移待以客禮行軍總

管羅士信帥勇士夜入洛陽外郭縱火焚清化里而還壬戌士信

拔青城堡

蓋因青城官爲名

王世充自將兵徇地至滑臺臨黎陽尉氏

城主時德劼汴州刺史王要漢亳州刺史丁叔則遣使降之

汴州古大

梁地戰國時爲魏都漢爲陳留郡東魏爲梁州後周改汴州以城臨汴水因以爲名宋白曰亳州春秋爲東國之焦邑漢爲譙縣魏爲譙郡後周武帝置亳州以德劼爲尉州刺史要漢伯當之兄也遙取古南亳之名以名州

夏侯端至黎陽

是年四月遣夏侯端安撫淮左

李世勣發兵送之自澶淵濟河

隋開

皇十六年置澶淵縣時置黎州○澶音蟬

傳檄州縣東至於海南至於淮二十餘州皆

遣使來降行至譙州

舊志亳州臨漁縣隋置譙州

會汴亳降於王世充還路遂

絕端素得眾心所從二千人雖糧盡不忍委去端坐澤中殺馬以

饗士因歔歔謂曰卿等鄉里皆已從賊特以其事之情未能見委

我奉王命不可從賊卿有妻子無宜效我可斬吾首歸賊必獲富貴眾皆流涕曰公於唐室非有親屬直以忠義志不圖存某等雖賤心亦人也甯有害公以求利乎端曰卿不忍見殺吾當自刎眾抱持之乃復同進潛行五日餓死及爲賊所擊犇潰相失者大半唯餘五十二人同走采豎豆生食之

豎豆野豆也。豎音勞。

端持節未嘗離

身屢遣從者散自求生眾又不可時河南之地皆入世充唯杞州刺史李公逸爲唐堅守遣兵迎端館給之世充遣使召端解衣遺之仍送除書以端爲淮南郡公尙書少吏部端對使者焚書毀衣曰夏侯端天子大使豈受王世充官乎汝欲吾往唯可取吾首耳因解節旄懷之置刃於竿自山中西走無復蹊徑冒踐荆棘晝夜兼行得達宜陽

宜陽唐熊州

從者墜崖溺水爲虎狼所食又喪其半其

存者鬢髮禿落無復人狀端詣闕見上但謝無功初不自言艱苦
上復以爲秘書監郎楚之至山東亦爲竇建德所獲楚之不屈竟
得還郎楚之與夏侯端同時出使王世充遣其從弟世辨以徐亳之兵攻雍邱
李公逸遣使求救上以隔賊境未卽出兵公逸乃畱其族弟善行
守雍邱身帥輕騎入朝至襄城爲世充伊州刺史張殷所獲世充
謂曰卿越鄭臣唐其說安在公逸曰我於天下唯知有唐不知有
鄭世充怒斬之善行亦沒上以公逸子爲襄邑公 甲子上祠華
山新志華山在華州華陰縣有岳祠

資治通鑑補卷一百八十七終

資治通鑑補卷第一百八十八

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀四

起二年十一月盡四年二月凡一年有奇

高祖神堯大聖光孝皇帝中之上

己卯武德二年十一月己卯劉武周寇浩州秦王世民引兵自龍

門關乘冰堅渡河屯柏壁

柏壁在龍門關東北宋白曰柏壁在正平縣西南二十里正平將州治所

宋金剛相持時河東州縣

此河東通言大河以東非專指河東一郡

俘掠之餘未有倉

庫人情恒擾聚入城堡徵斂無所得軍中乏食世民發教諭民

聞世民爲帥而來莫不歸附自近及遠至者日多然後漸收其糧

食軍食以充乃休秣馬兵唯令偏裨乘間抄掠大軍堅壁不戰由是賊勢日衰世民嘗自帥輕騎覘敵騎皆四散世民獨與一甲士登邱而寢俄而賊兵四合初不之覺會有蛇逐鼠觸甲士之面甲士驚寤遂白世民俱上馬馳百餘步爲賊所及世民以大羽箭射殪其驍將賊騎乃退 李世勣欲歸唐恐禍及其父謀於郭孝恪孝恪曰吾新事竇氏動則見疑宜先立效以取信然後可圖也世勣從之襲王世充獲嘉破之多所俘獲以獻建德建德由是親之初漳南人劉黑闥少驍勇狡獪舊志貝州漳南縣漢東陽縣地後魏省東陽縣隋開皇六年分東陽清平二縣地復置東陽縣於東陽古城十八年改爲漳南宋白曰取地居漳水之南爲名與竇建德善後爲羣盜轉事郝孝德李密王世充世充以爲騎將每見世充所爲竊笑之世充使黑闥守新鄉舊志隋分汲獲嘉二縣地於古新樂城道新鄉縣時屬義州後屬殷州宋白曰漢書

武帝將幸緣氏至汲縣之新中鄉即此
地新樂城十六國時燕樂安王臧所築李世勣擊虜之獻於建德

建德署爲將軍賜爵漢東公常賜將奇兵東西掩襲或潛入敵境

覘視虛實黑闇往來乘閒奮擊克獲而還軍中號爲神勇 十二

月庚申上獵于華山 子筠說永安王孝基急攻呂崇茂以絕其

外援獨孤懷恩有異志給說孝基曰夏城堅攻之引日不如頓兵

待秦王破賊則夏城自孤此謂不戰而屈人也孝基從之崇茂求

救於宋金剛金剛遣其將善陽尉遲敬德尋相將兵奄至夏縣孝

基表裏受敵軍遂大敗
舊志朔州善陽縣漢定襄縣地有秦時馬邑城武周塞後魏置桑乾郡隋大業初置

善陽縣尋姓也考異曰高祖寶錄云戰于下邳縣按下邳乃在關中去夏縣殊遠寶錄之誤也今從舊書孝基傳孝基懷

恩筠唐儉及行軍總管劉世讓皆爲所虜敬德名基以字行上徵

裴寂入朝責其敗軍下吏旣而釋之寵待彌厚尉遲敬德尋相將

還澮州秦王世民遣兵部尚書殷開山總管秦叔寶等邀之於美

良川大破之斬首二千餘級頃之敬德尋相潛引精騎按王行本

於蒲坂世民自將步騎三千從閒道夜趨安邑

安邑古縣時屬虞州

邀擊大

破之敬德相僅以身免悉俘其眾復歸柏壁諸將咸請與宋金剛

戰世民曰金剛懸軍深入精兵猛將咸聚於是武周據太原倚金

剛為扞蔽金剛軍無蓄積以虜掠為資利在速戰我閉營養銳以

挫其鋒分兵汾隰衝其心腹

汾隰隋龍泉西河二郡之地也隋置日汾州本漢西河郡茲氏縣地魏於

茲氏置西河郡今州城是也左傳曰重耳居蒲即隰川縣故蒲城是也漢為蒲子縣後魏齊周之間為汾州隋為隰州彼糧

盡計窮自當遁走當待此機未宜速戰永安壯王孝基謀逃歸劉

武周殺之李世勣復遣人說寶建德曰曹戴二州戶口完實

隋置

曹州於濟陰戴州於成武大業初廢二州并為濟陰郡大業亂復為州

孟海公竊有其地與鄭人外

合內離若以大軍臨之指期可取既得海公以臨徐兗

王世充時
清王世壽

據徐州徐國
朗據兗州

河南可不戰而定也建德以爲然欲自將徇河南先

遣其行臺曹旦等將兵五萬濟河世勣引兵三千會之

庚武德三年

是歲劉武周沈法
興亡凡六帝國

春正月將軍秦武通攻王行本於

蒲坂行本出戰而敗糧盡接絕欲突圍走無隨之者戊寅開門出

降辛巳上幸蒲州斬行本秦王世民輕騎謁上於蒲州宋金剛圍

絳州癸巳上還長安李世勣謀俟竇建德至河南掩襲其營殺

之冀得其父并建德土地以歸唐會建德妻產久之不至曹旦建

德之妻兄也在河南多所驚擾諸賊羈屬者皆怨之賊帥魏郡李

文相號李商胡聚五千餘人據孟津中渾

此卽河陽中渾城也宋
白日中渾城東魏所築

仍置河
陽關

母霍氏亦善騎射自稱霍總管世勣結商胡爲昆弟入拜

商胡之母泣謂世勣曰竇氏無道如何事之世勣曰母無憂不
過一月當殺之相與歸唐耳世勣辭去母謂商胡曰東海公許我
共圖此賊事久變生何必待其來不如速決是夜商胡召曹旦偏
裨二十三人飲之酒盡殺之旦別將高雅賢阮君明尙在河北未
濟商胡以巨舟四艘濟河北之兵三百人至中流悉殺之有獸醫
游水得免獸醫以能醫牛馬從軍至南岸告曹旦旦嚴警爲備商胡旣舉事

始遣人告李世勣世勣與曹旦連營郭孝恪勸世勣襲旦世勣未
決聞旦已有備遂與孝恪帥數十騎來奔商胡復引精兵二千北
襲阮君明破之高雅賢收眾去商胡追之不及而還建德羣臣請
誅李蓋建德曰世勣唐臣爲我所虜不忘本朝乃忠臣也其父何
罪遂赦之甲午世勣孝恪至長安曹旦遂取濟州

武德之初張青特據濟北濟北

郡即濟州是後建德與唐相持於虎牢張青特運糧爲唐所獲蓋先以濟州降曹旦也 復還洛州 二月丁

酉京師西南地有聲如山崩 庚子上幸華陰 劉武周遣兵寇

潞州陷長子壺關二縣皆屬潞州潞州刺史郭子武不能禦上以將軍河

東王行敏助之河東縣帶蒲州即蒲坂也隋開皇十六年析蒲坂置縣大業初并蒲坂入焉行敏與子

武不協或言子武將叛行敏斬子武以徇乙巳武周復遣兵寇潞

州行敏擊破之 壬午開州蠻毋肇則陷通州舊志開州隋巴東郡之盛山縣盛山

漢巴郡之胸臆縣也義甯元年析巴東之盛山新浦通川之萬世西流置萬州武德元年改開州通州漢宕渠縣地梁置萬州元魏

改通州隋爲通川郡武德元年復爲通州孫愐曰通州本漢宕渠縣內有地萬餘頃因名爲萬州後魏以萬州居四達之路改爲通

州宋爲 甲寅遣將軍桑顯和等攻呂崇茂於夏縣 初工部尙

書獨孤懷恩攻蒲坂久不下失亡多上數以敕書誚讓之懷恩由

是怨望上嘗戲謂懷恩曰姑之子皆已爲天子謂隋煬帝及上也次應至

舅之子乎懷恩亦頗以此自負或時扼腕曰我家豈女獨貴乎

周明

帝后隋文帝后及上母皆獨孤氏

遂與麾下元君寶謀反會懷恩君寶與唐儉皆

沒於尉遲敬德君寶謂儉曰獨孤尙書近謀大事若能早決豈有

此辱哉及秦王世民敗敬德於美良川懷恩逃歸上復使之將兵

攻蒲坂君寶又謂儉曰獨孤尙書遂拔難得還復在蒲坂可謂王

者不死儉恐懷恩遂成其謀乃說尉遲敬德請使劉世讓還與唐

連和敬德從之遂以懷恩反狀聞時王行本已降懷恩入據其城

上方濟河幸懷恩營已登舟矣世讓適至上大驚曰吾得免豈非

天也乃使召懷恩懷恩未知事露輕舟來至卽執以屬吏分捕黨

與甲寅誅懷恩及其黨 竇建德攻李商胡殺之建德在洛州勸

課農桑境內無盜商旅野宿 突厥處羅可汗迎楊政道立爲隋

王中國士民在北者處羅悉以配之有眾萬人置百官皆依隋制

居於定襄

此蓋隋之定襄郡也治大利城

三月乙丑劉武周遣其將張蕘歲寢

涪州李仲文擊走之俘斬數千人改納言爲侍中內史令爲中

書令給事郎爲給事中

復舊官名也杜佑曰漢置給事中日上朝謁平尚書奏事以有事殿中故曰給事中

東漢省魏復置南北朝因之後周天官之屬有給事中掌治六經給事左右其後別置給事中在六官之外隋初于吏部置給事郎至煬帝移爲門下之職置員四人以省諸奏章至是改爲給事中龍朔二年改東臺舍人咸亨元年復舊掌侍從讀署奏抄按止違失分判官事給事中蓋因漢之名行周隋之職

甲戌以內史侍郎封德彝爲中書令

王世充將帥州縣來降者時月相繼世充乃峻其法一人亡叛舉家無少長就戮父子兄弟夫婦許相告而免之又使五家爲保有舉家亡者四鄰不覺皆坐誅殺人益多而亡者益甚至於樵采之人出入皆有限數公私愁窘人不聊生又以宮城爲大獄意所忌

者并其家屬收繫宮中諸將出討亦質其家屬於宮中禁止者常

不減萬口餒死者日有數十世充時以臺省官爲司鄭管原伊殷

梁湊嵩谷懷德等十二州營田使世充以洛州爲司州汜水爲鄭州管城爲管州泚水爲原州襄

城爲伊州獲嘉爲殷州睢陽爲梁州湊州關九域志鄆州古迹有湊水當置湊州于此高陽爲嵩州太谷爲谷州河內爲懷州武德

爲德丞郎得與此行者喜若登仙丞郎尚書左右丞及諸曹郎也甲申行軍副

總管張綸敗劉武周於涪州俘斬千餘人西河公張綸此張綸

綸上書其官眞鄉公李仲文引兵臨石州石州隋之劉季眞懼而

詐降乙酉以季眞爲石州總管賜姓李氏封彭山郡王蠻酋并

肇則寇信州趙郡公孝恭與戰不利李靖將兵八百襲擊斬之俘

五千餘人王聞而大悅謂公卿曰朕聞使功不如使過李靖果展

奇功因手敕賜靖曰卿竭誠盡力功效甚彰既往不咎吾已忘之

矣自今以往卿勿憂富貴也已丑復開通二州孝恭又擊蕭銑東

平王闢提斬之

考異曰舊書蕭銑傳云孝恭討之拔其開通二州斬其僞東平王蕭闢提按實錄云丹墀則陷我通

州又云孝恭復開通二州若二州本屬銑不當云我與復蓋肇夏則先據開州又陷通州以地附銑銑使陷提助之耳○開音奢

四月丙申上祠華山壬寅還長安置益州道行臺以益利會

涇遂六總管隸焉

益州隋之蜀郡利州隋之義城郡梁之黎州晉之晉壽蜀之漢壽漢之葭萌也會州隋之涼川

縣會南蠻西魏之會州也即州隋之上郡西魏之敷州後魏之北華州中部數城郡也太和中爲東秦州涇州隋之安定郡遂州隋

之遂甯郡漢之廣漢縣也是時益州行臺所統起蜀跨虛而東北

劉武周數攻浩州爲李仲文

所敗宋金剛軍中食盡丁未金剛北走秦王世民追之羅士

信圍慈澗

隋志河南鄭壽安縣有慈澗水經注新安有孝水孝水東十里有水世謂之慈澗

王世充使太

子元應救之士信刺元應墜馬人救之得免壬子以顯州道行

臺楊士林爲行臺尙書令甲寅加秦王世民益州道行臺尙書

令 秦主世民追及尋相於呂州

新志義甯元年以晉州之霍邑趙城汾西汾州之靈石置霍山

郡武德元年曰呂州

大破之乘勝逐北一晝夜行二百餘里戰數

十合至高壁嶺總管劉宏基執轡諫曰大王破賊逐北至此功亦

足矣深入不已不愛身乎且士卒飢疲宜畱壁於此俟兵糧畢集

然後復進未晚也世民曰金剛計窮而走眾心離沮功難成而易

敗機難得而易失必乘此勢取之若更淹畱使之計立備成不可

復攻矣吾竭忠徇國豈顧身乎遂策馬而進將士不敢復言飢迫

及金剛於雀鼠谷一日八戰皆破之俘斬數萬人夜宿於雀鼠谷

西原世民不食二日不解甲三日灸軍中止有一羊世民與將士

分而食之內辰陝州總管于筠自金剛所逃來世民引兵趨介休

金剛尚有眾二萬戊午出西門背城布陳南北七里世民遣總

管李世勣與戰小卻爲賊所乘世民帥精騎擊之出其陳後金剛大敗斬首三千級金剛輕騎走世民追之數十里至張難堡浩州行軍總管樊伯通張德政據堡自守世民免胄示之堡中喜譟且泣左右告以王不食獻濁酒脫粟飯尉遲敬德收餘眾守介休世民遣略陽公道宗字文士及往諭之敬德與韓相舉介休及永安

降

永安漢中陽縣也後魏更名時屬
浩州雀鼠谷在永安介休二縣間

世民得敬德甚喜以爲右一

府統軍使將其舊眾八千與諸營相參屈突通慮其變驟以爲言世民不聽道宗帝之從子也劉武周聞金剛敗大懼棄并州走突厥金剛收其餘眾欲復戰眾莫肯從亦與百餘騎走突厥世民至晉陽武周所署僕射楊伏念以城降唐儉封府庫以待世民武周所得州縣皆入於唐未幾金剛謀走上谷突厥追獲腰斬之嵐州

總管劉六兒從宋金剛在介休秦王世民擒斬之其兄季真棄石州韓劉武周將馬邑高滿政滿政殺之武周之南寇也其內史令苑君璋諫曰唐主舉一州之眾直取長安所向無敵此乃天授非人力也晉陽以南道路險隘懸軍深入無繼於後若進戰不利何以自還不如北連突厥南結唐朝南面稱孤足爲長策武周不聽

爾君璋守朔州及敗泣謂君璋曰不用君言以至於此 庚申懷

州總管黃君漢擊王世充太子元應於西濟州大破之

新志武德二年王世

充將丁伯德以濟源縣來降置西濟州曰西者以別濟北之濟州

熊州行軍總管史萬寶邀之於

九曲又破之 辛酉王世充陷鄧州 上聞并州平大悅壬戌宴

羣臣賜繪帛使自入御府盡力取之復唐儉官爵仍以爲并州道安撫大使所籍獨孤懷恩田宅資財悉以賜之世民留李仲文鎮

并州劉武周數遣兵入寇仲文輒擊破之下城堡百餘所

謂馬邑郡界城

也詔仲文檢校并州總管

檢校官未為真

五月竇建德遣高士興擊李

藝於幽州不克退軍龍火城藝襲擊大破之斬首五千級初尉

遲敬德將兵助呂崇茂守夏縣上潛遣使赦崇茂罪拜夏州刺史

使圖敬德事泄敬德殺之敬德去崇茂餘黨復據夏縣拒守秦王

世民引軍自晉州還攻夏縣王午屠之

考異曰高祖實錄帝曰平薛舉之初不殺奴賊致生

叛亂若不盡誅必為後患詔勝兵者悉斬疑作實錄者歸太宗之過于高祖今不取辛卯秦王世民至長

安是月突厥遣阿史那揭多獻馬千匹於王世充且求昏世充

以宗女妻之并與之互市晉州人吉善行自言於羊角山見白

衣老父曰為吾語唐天子吾為老君吾而祖也上詔於其地立老

子廟六月壬辰詔以和州總管東南道行臺尚書令楚王杜伏

威爲使持節總管江淮以南諸軍事揚州刺史東南道行臺尙書
令淮南道安撫使進封吳王賜姓李氏以輔公祐爲行臺左僕射
封舒國公 丙午立皇子元景爲趙王元昌爲魯王元亨爲鄆王
己酉出宮女五百人賜東征將士有功者 顯州行臺尙書令
楚公楊士林雖受唐官爵而北結王世充南通蕭銑詔廬江王瑗
與撫安使李宏敏討之兵未行長史田瓚爲士林所忌甲寅瓚殺
士林降於王世充世充以瓚爲顯州總管 秦王世民之討劉武
周也突厥處羅可汗遣其弟步利設帥二千騎助唐武周既敗是
月處羅至晉陽大掠三日總管李仲文不能制又畱倫特勒使將
數百人云助仲文鎮守自石嶺以北皆畱兵戍之而去
石嶺關在代州杜佑
日忻州定襄縣漢陽曲 上議擊王世充世充聞之選諸州鎮驍
縣有石嶺關甚險固

勇皆集洛陽置四鎮將軍募人分守四城

謂洛陽四城也

秋七月壬戌詔

秦王世民督諸軍擊世充陝東道行臺屈突通二子在洛陽上謂

通曰今欲使卿東征如卿二子何通曰臣昔爲俘囚分當就死陛

下釋縛加以恩禮

事見一百八十四卷義甯元年

當是之時臣心口相誓期以更

生餘年爲陛下盡節但恐不獲死所耳今得備先驅二兒何足顧

乎上歎曰徇義之士一至此乎

更臣曰屈突通盡節于隋而爲唐忠臣何哉惟其一心故事兩

君而無嫌也

癸亥突厥遣使潛詣王世充潞州總管李襲譽邀擊敗之虜牛羊

萬計驃騎大將軍可朱渾定遠告并州總管李仲文與突厥通

謀欲俟洛陽兵交引胡騎直入長安甲戌命皇太子鎮蒲阪以備

之又遣禮部尚書唐儉安撫并州暨廢并州總管府徵仲文入朝

壬午秦王世民至新安王世充遣其魏王宏烈鎮襄陽荆王行

本鎮虎牢宋王泰鎮懷州齊王世惲檢校南城楚王世偉守寶城

太子元應守東城漢王元恕守含嘉城魯王道徇守曜儀城

東都六典

皇城在都城之西北隅東城在皇城之東皇城在東城之內皇宮在皇城之北以地望準之南城蓋在皇城之南端門之外曜儀城蓋在東城之東含嘉城則含嘉倉城寶城即寶城朝堂蓋皇城也世充自將天兵出戰左輔大將

軍楊公卿帥左龍驤二十八府騎兵右游擊大將軍郭善才帥內

軍二十八府步兵左游擊大將軍跋野綱

跋野虜復姓

帥外軍二十八

府步兵總三萬人以備唐宏烈行本世偉之子秦世充之兄子也

梁師都引突厥稽胡兵入寇行軍總管段德操擊破之斬首千

餘級

羅士信將前軍圍慈澗王世充自將兵三萬救之己丑秦

王世民將輕騎前覘世充猝與之遇眾寡不敵道路險阨爲世充

所圍

考異曰太宗實錄云誦次穀州世充以兵三萬來拒戰太宗帥輕騎挑之眾寡不敵被圍數重太宗引弓馳射皆應弦而

倒獲其大將燕頤賊乃退熱書太宗紀云太宗命左右先歸獨留後殿世充驍將軍雄信數百騎夾道來逼交鋒黃進太宗發爲所敗太宗左右射之無不應弦而倒獲其大將燕頤單雄信傳云太宗逼東都雄信出軍拒戰檢校而至幾及太宗徐世勣阿止之曰此秦王也雄信惶懼遂退太宗由是獲免按劉餗小說英公勣與海陵王元吉圍洛陽元吉恃臂力每親行圍王世充召雄信酌以金燒雄信盡飲馳馬而出不及海陵者一尺勣惶懼連呼曰阿兄此是勣主雄信乃攬轡而止顧笑曰胡兒不識你且覓舊書蓋承此致誤耳雄信若知是秦王則取之尤切安可惶懼而退借如小說所云雄信既受世充之命指取元吉亦安可以勣故而舍之况元吉之圍東都勣乃從太宗在武牢今不取

世民左右馳射皆應弦而斃獲其左建

威將軍燕琪

考異曰高祖實錄作燕頤今從河洛記

世充乃退世民還營塵埃覆面

軍不復識欲拒之世民免胄自言乃得人旦日帥步騎五萬進軍慈澗世充拔慈澗之戍歸于洛陽世民遣行軍總管史萬寶自宜

陽南據龍門

此伊闕之龍門也酈道元曰伊水北入伊闕昔大禹疏以通水兩山相對望之若闕故謂之伊闕春秋昭

公二十六年趙鞅使女寬守關塞即此傳殺東都賦曰因龍門將以暢化開伊闕以達聰是後武后居東都數游龍門正此地也

軍劉德威自太行東圍河內上谷公王君廓白洛口斷其餉道懷

州總管黃君漢自河陰攻迴洛城大軍屯於北邙連營以逼之世

充洧州長史繁水張公謹與刺史崔樞以州城來降

世充蓋以扶溝鄆陵置洧

州隋志繁水縣屬武陽郡唐貞觀十八年并入昌樂縣屬魏州

八月丁酉南甯西蠻蠻遣使入

貢初隋末蠻酋獍旣反誅諸子沒為官奴棄其地帝即位以旣子

宏達為昆州刺史

昆州本隋置隋亂廢武德元年開南中復置領南甯秦城等縣

令持其父尸歸

葬益州刺史殷綸因遣使招諭其部落皆來降 己亥竇建德其

州縣令唐剛殺刺史以州來降

新志衛州其城縣武德元年置其州去年竇建德破降李世勣取衛

州故其州亦附建德唐綱當是其城縣令也

鄧州土豪執王世充所署刺史來降

癸卯梁師都石堡畱守張舉帥千餘人來降

此石堡在夏州東非開元天寶間與吐蕃

爭之石堡城也甲辰黃君漢遣校尉張夜叉以舟師襲迴洛城克之獲

其將達奚善定斲洛陽南橋而還降其堡聚二十餘世充使太子

元應帥楊公卿等攻迴洛不克乃築月城於其西畱兵戍之世充

陳於青城宮秦王世民亦置陳當之今世以郊天齋禱大次為青城宮其地當在都城之南此

青城宮若在洛城西北按大典洛城西禁苑北拒北邨西至孝水南帶洛水支渠穀洛二水會于其間中有合璧翠微宿羽青城等

宮一十世充隔水謂世民曰隋室傾覆唐帝關中鄭帝河南世充未

嘗西侵王忽舉兵東來何也世民使宇文士及應之曰四海皆仰

皇風唯公獨阻聲教為此而來世充曰相與息兵講好不亦善乎

又應之曰奉詔取東都不令講好也至暮各引兵還上遣使與

竇建德連和建德遣同安長公主隨使者俱還乙卯劉德威襲

懷州入其外郭下其堡聚 九月庚午梁師都將劉昱以華池來

降以爲林州總管

慶州華池縣西魏之蔚州也後周州廢隋仁壽初置華池縣今置林州

癸酉王

世充顯州總管田瓚以所部二十五州來降自是襄陽聲問與世

充絕

世充使王宏烈鎮襄陽自襄陽至洛路出南陽鄧州既屬唐南陽之路不可由矣則自顯州出蔡汝以至洛顯州今又降

唐故襄陽

史萬寶進軍甘泉宮

漢甘泉宮在京兆醴泉縣史萬寶自新安進軍逼洛陽不應至

漢之甘泉宮隋志河南壽安縣後魏之甘棠縣有顯仁宮或者以顯仁宮爲甘棠宮也

是恐當作棠 丁丑秦王世民

遣右武衛將軍王君廓攻轅轅拔之

新志洛州緱氏縣東南有轅轅故關

王世充遣

其將魏隱等擊君廓君廓僞遁設伏大破之遂東徇地至管城而

還

隋志華陽郡管城縣舊曰中牟開皇十六年析置管城縣十八年省內牟入焉隋改中牟曰內牟時爲管州治所

先是

王世充將廓士衡許羅漢掠唐境君廓以策擊卻之詔勞之曰卿

以十三人破賊一萬自古以少制眾未之有也世充尉州刺史時

德劄帥所部杞夏陳隨許潁尉七州來降秦王世民以便宣命州
縣官竝依世充所署無所變易改尉州爲南汴州於是河南郡縣
相繼來降劉武周降將尋相等多叛去諸將疑尉遲敬德囚之軍
中行臺左僕射屈突通尙書殷開山言於世民曰敬德驍勇絕倫
今旣囚之心必怨望留之恐爲後患不如遂殺之世民曰不然敬
德若叛豈在尋相之後耶遽命釋之引入臥內賜之金曰丈夫意
氣相期勿以小嫌介意吾終不信讒言以害忠良公宜體之必欲
去者以此金相資表一時其事之情也辛巳世民以五百騎行戰
地登魏宣武陵世宗諡宣武王世充帥步騎萬餘猝至圍之單雄信引
槩直趨世民敬德躍馬大呼橫刺雄信墜馬世充兵稍卻敬德翼
世民出圍世民敬德更帥騎兵還戰出入世充陳往返無所礙屈

突通引大兵繼至世充兵大敗僅以身免擒其冠軍大將軍陳智

略考異曰實錄丙戌太宗與世充遇於宣武陵擊破之斬數千級獲陳智略舊書敬德傳太宗既釋之是日從獵于檢窠世充引

兵圍之單雄信直趨太宗敬德刺雄信墜馬翼太宗出圍更帥兵交戰擒陳智略則宜武檢窠之戰共是一事實錄據奏到日河洛

記在二十一斬首千餘級獲排稍兵六千世民謂敬德曰公何相

報之速也賜敬德金銀一篋自是寵遇日隆敬德善避稍每單騎

入敵陳中敵叢稍刺之終莫能傷又能奪敵稍返刺之齊王元吉

以善馬稍自負聞敬德之能請各去刃相與較勝負敬德曰敬德

謹當去之王勿去也既而元吉刺之終不能中秦王世民間敬德

曰奪稍與避稍孰難敬德曰奪稍難乃命敬德奪元吉稍元吉操

稍躍馬志在刺之敬德須臾三奪其稍元吉雖面相歎異內甚恥

之叛胡陷嵐州 初王世充以邴元真爲滑州行臺僕射濮州

刺史杜才幹

隋志東平郡鄆縣舊置濮陽郡開皇十六年置濮州大業初廢州以鄆縣屬東平蓋李密復置州也

李密故將也恨元真叛密

叛密事見一百八十六卷元年九月

詐以其眾降之元真

恃其官勢自往招慰才幹出迎延入就坐執而數之曰汝本庸才

魏公置汝元僚不建毫髮之功乃構滔天之禍今來送死是汝之

分遂斬之遣人齎其首至黎陽祭密墓壬午以濮州來降 突厥

莫賀咄設寇涼州總管楊恭仁擊之爲所敗掠男女數千人而去

丙戌以田瓚爲顯州總管賜爵蔡國公 冬十月甲午王世充

大將軍張鎮周來降

甲辰行軍總管羅士信襲王世充硤石堡

拔之

水經注穀水自新安縣東流逕千秋亭又東逕雍谷溪迴岫紫紆石路阻峽故亦有峽石之稱考異曰河洛記作峽山堡

今從

實錄士信又圍千金堡

此於古千金塢築堡也水經注穀水逕周乾祭門北東至千金塢河南境舊曰河南

縣城東十五里有千金塢洛陽記曰千金塢

塢舊塢穀水魏時更修此塢謂之千金塢

堡中人罵之士信怒夜

遣百餘人抱嬰兒數十至堡下使兒啼呼詐云從東都來歸羅總
管既而相謂曰此千金堡也吾屬誤矣即去堡中以為士信已去
來者洛陽亡人出兵追之士信伏兵於道伺其開門突入屠之

竇建德之圍幽州也李藝告急於高開道開道帥二千騎救之建

德引兵去開道因藝遣使來降戊申以開道為蔚州總管

蔚州隋雁門郡

之靈邱上谷郡之飛狐縣地

賜姓李氏封北平郡王

移置通鑑原文北平王下有高開道繫類出誤事今

移於

後竇建德帥眾二十萬復攻幽州建德兵已攀堞辭萬均萬

徹帥敢死士百人從地道出其背掩擊之建德兵潰走斬首千餘

級李藝兵乘勝薄其營建德陳於營中填塹而出奮擊大破之建

德逐北至其城下攻之不克而還李密之敗也楊慶歸洛陽復

姓楊氏

楊慶歸密改姓事見一百八十四卷義甯元年十一月

及王世充稱帝慶復姓郭氏

世充以爲管州總管妻以兄女秦王世民逼洛陽慶潛遣人請降
世民遣總管李世勣將兵往據其城慶欲與其妻偕來妻曰主上
使妾侍巾櫛者欲結君之心也今君既辜付託徇利求全妾將如
君何若至長安則君家一婢耳君何用爲願送至洛陽君之惠也
慶不許慶出妻謂侍者曰若唐遂勝鄭則吾家必滅鄭若勝唐則
吾夫必死人生至此何用生爲遂自殺庚戌慶來降復姓楊氏拜
上柱國鄆國公時世充太子元應軍於滎汴之閒言軍於滎澤
汴水之閒聞
之引兵趣管城李世勣擊卻之使郭孝恪爲書說滎州刺史魏陸
陸密請降元應遣大將軍張志就陸徵兵丙辰陸擒志等四將舉
州來降陽城令王雄帥諸堡來降秦王世民使李世勣引兵應之
以雄爲嵩州刺史新志陽城縣屬洛州又云武德四年王世充僞
令王雄來降以陽城嵩陽翟置嵩州與此所

書稍差 嵩南之路始通

嵩南謂嵩山以南

魏陸使張志詐爲元應書停其

東道之兵令其將張慈寶且還汴州又密告汴州刺史王要漢使

圖慈寶要漢斬慈寶以降元應聞諸皆州叛大懼奔還洛陽詔以

要漢爲汴州總管賜爵鄆國公 王宏烈據襄陽上令金州總管

府司馬涇陽李大亮安撫樊鄧以圖之十一月庚申大亮攻樊城

鎮拔之

隋志西城郡梁舊梁州尋改曰南梁州西魏改東梁州尋改金州置總管府府置長史司馬舊志襄州鄧城縣漢鄧

縣屬南陽郡古樊城也宋改安養縣此時樊城鎮當在安養縣界

斬其將國大安下其城柵十四

蕭銑性褊狹多猜忌諸將恃功恣橫好專誅殺銑患之乃宣言

罷兵營農實欲奪諸將之權大司馬董景珍弟爲將軍怨望謀作

亂事泄伏誅景珍時鎮長沙銑下詔赦之召還江陵景珍懼甲子

以長沙來降詔峽州刺史許紹出兵應之

雲州總管郭子和

隋

定襄郡開皇五年置雲州總管府治大利城

先與突厥梁師都相連結既而襲師都雷

朔城克之

新志甯朔縣屬夏州後周置

又謂得突厥豐隙遣使以聞為突厥候

騎所獲處羅可汗大怒囚其弟子升子和自以孤危請帥其民南

徙

考異曰子和傳云四年拔戶口南徙按處羅可汗以今年卒故置此

詔以延州故城處之

張舉

劉旻之降也梁師都大懼遣其尙書陸季覽說突厥處羅可汗曰

比者中原喪亂分為數國勢均力弱故皆北面歸附突厥今定楊

可汗既亡天下將悉為唐有師都不辭灰滅亦恐次及可汗不若

及其未定南取中原如魏道武所為師都請為鄉導處羅從之謀

使莫賀咄設入自原州

平涼郡置原州

泥步設與師都入自延州處羅入

自并州突利可汗與奚霫契丹靺鞨入自幽州

奚與契丹本皆東胡種保烏丸山者

其後為奚保鮮卑山者其後為契丹舊與突厥同俗保冷陁山南契丹東靺鞨西拔野古靺鞨居肅慎地亦曰挹婁元魏時曰勿吉

○晉書習考異曰舊突厥傳大業中突利年數歲始畢遣頡東牙之兵號泥步設頡利嗣位以爲突利可汗按梁師都傳此際有泥步設又有突利可汗然則突利處羅時已爲小可汗非頡利嗣位後也高祖實錄云處羅欲分兵大掠中國於伊我雁門靈武涼州四道俱入今從會實建德之師自滏口西入會於晉絳滏口在磁州滏陽縣界晉州南之臨汾郡絳州隋之絳郡之口在磁

州滏陽縣界晉州南之莫賀咄咄者處羅之弟咄咄也突利者始畢之子什鉢苾也處羅又欲取并州以居楊政道政道時居定襄其羣臣多

諫處羅曰我父失國賴隋得立事見一百七十八卷隋開皇十九年此恩不可忘將

出師而卒義成公主以其子奧射設醜弱廢之更立莫賀咄咄設號頡利可汗乙酉頡利遣使告處羅之喪上禮之如始畢之喪 戊

子安撫大使李大亮取王世充沮華二州襄州南漳縣後周置沮州南漳漢之臨沮縣也

隋廢沮州蓋王世充復置漢南縣宋置華山郡西魏廢郡王世充蓋取宋郡名而置華州也漢南縣唐貞觀八年省并入宜城

是月實建德濟河擊孟海公考異曰實錄在十二月丙午蓋於時唐始聞之遣劉世讓攻洺州之日也

今從革
命記

初王世充侵建德黎陽建德襲破殷州以報之

殷州治獲
嘉此皆去

年冬

自是二國交惡信使不通及唐兵逼洛陽世充遣使求救於

建德

考異曰隋季革命記曰世充亦自遣使求救於建德云夏王
或帥領軍師來相救援王取東都河洛之地北收并汾南盡

楊越充乃取京師蒲絳以西通蜀荆襄之境竝據山河之險長爲
兄弟之國按世充止有河洛之地豈可選以賂建德借有是言建

德亦何由可信
今從河洛記

建德中書侍郎劉彬說建德曰天下大亂唐得關

西鄭得河南夏得河北其成鼎足之勢今唐舉兵臨鄭自秋涉冬

唐兵日增鄭地日蹙唐強鄭弱勢必不支鄭亡則夏不能獨立矣

不如解仇除忿發兵救之夏擊其外鄭攻其內破唐必矣唐師既

退徐觀其變若鄭可取則取之并二國之兵乘唐師之老天下可

取也建德從之遣使詣世充許以赴援又遣其禮部侍郎李大師

等詣唐請罷洛陽之兵秦王世民畱之不答

十二月辛卯王世

充許亳等十一州皆請降

許州隋之潁川郡亳州隋之譙郡

壬辰燕郡王李藝

又擊竇建德軍於龍火城破之

辛丑王世充隋州總管徐毅舉

州降

隋州隋之漢東郡

癸卯峽州刺史許紹攻蕭銑荆門鎮拔之

荆門在荆

州長紹所部與梁鄭鄰接

峽州北境接鄭之襄州東境接梁之荆門

二境得紹士卒皆

殺之紹得二境士卒皆資給遣之敵人愧感不復侵掠境內以安

蕭銑遣其齊王張繡攻長沙董景珍謂繡曰前年醢彭越往年

殺韓信卿不見之乎何為相攻繡不應進兵圍之景珍欲潰圍走

為麾下所殺銑以繡為尚書令繡恃功驕橫銑又殺之由是功臣

諸將皆有離心兵勢益弱王世充遣其兄子代王琬長孫安世

詣竇建德報聘且乞師突厥倫特勒在并州大為民患并州總

管劉世讓設策擒之上聞之甚喜張道源從竇建德在河南

去年九月

道原為建德所執

密遣人詣長安請出兵攻洛州以震山東

寶建德都洛州

丙午

詔世讓為行軍總管使將兵出土門趣洛州

新志懷州鹿泉縣有故井降嵩一名土門

關鹿泉漢之石邑也

己酉瓜州刺史賀拔行威執驃騎將軍達奚肅

肅之

敦煌郡

舉兵反

是歲李子通度江攻沈法興取京口

京口時屬揚州延陵縣

法興遣其僕射蔣元超拒之戰於慶亭

慶亭在毘陵西北

元超敗死法興

棄毘陵奔吳郡於是丹陽毘陵等郡皆降於子通子通以法興府

掾李百藥為內史侍郎國子祭酒杜伏威遣行臺左僕射輔公祏

將卒數千攻子通以將軍閼陵王雄誕為之副公祏度江攻丹楊

克之進屯溧水

隋志丹楊郡治江甯溧水以縣屬焉本溧陽縣開皇十八年更名

子通帥眾數萬

拒之公祏簡精甲千人執長刀為前鋒又使千人踵其後曰有退

者即斬之自帥餘眾復居其後子通為方陳而前公祏前鋒千人

高祖武德三年

殊死戰公祐復張左右翼以擊之子通敗走公祐逐之反爲所敗

還閉壁不出王雄誕曰子通無壁壘又狃於初勝乘其無備擊之

可破也公祐不從雄誕以其私屬數百人夜出擊之因風縱火子

通大敗降其卒數千人子通食盡棄江都保京口江西之地盡入

於伏威

廬和等州皆江西也

伏威徙居丹楊子通復東走太湖收合亡散得

二萬人襲沈法興於吳郡大破之法興帥左右數百人棄城走吳

郡賊帥聞人遂安

閩人復姓也

遣其將葉孝辯迎之法興中途而悔欲

殺孝辯更向會稽孝辯覺之法興窘迫赴江溺死子通軍勢復振

徙都餘杭盡收法興之地北自太湖南至嶺

嶺五嶺也

東包會稽西鉅

宣城皆有之 廣新一州賊帥高法澄沈寶徹殺隋官吏據州附

於林士宏

隋志南海郡廣州信安郡新興縣梁置新州宋白曰新州秦始皇所取陸梁地漢爲合浦臨元縣晉置新甯郡

梁置新州隋漢陽太守馮盎擊破之既而寶徹兄子智臣復聚兵於新

州盎引兵擊之戰始合盎免胄大呼曰爾識我乎賊多棄仗肉袒

而拜遂潰擒寶徹智臣等嶺外遂定 寶建德行臺尚書令恆山

胡大恩請降

辛武德四年

是歲寶建德王世充薦統李子通俱亡唯林士宏梁師都二僭國

春正月癸酉以大

恩爲代州總管

代州隋之鴈門郡

封定襄郡王賜姓李氏代州石嶺之北

自劉武周之亂寇盜充斥大恩徙鎮鴈門

鴈門漢廣武縣隋更名隋唐代州皆治鴈門漢

鴈門郡治陰館李大恩豈徙鎮漢鴈門邪宋白曰句注在代州西北三十五里鴈門界西歷山也始皇十三年移樓煩于善無縣今

句注山北下館城是也故續漢書云鴈門郡理陰館建安立新興郡歷北悉棄之其地荒廢魏文帝移鴈門郡南度句注置廣武城

卽今州西廣武故城是也後魏明帝又移置廣武東古上館城內卽今州城是也或曰李大恩自恆山請降授代州總管故自恆山

徙鎮鴈門討擊悉平之

稽胡酋帥劉仝成

仝音軒部落數萬爲邊寇

辛巳詔太子建成統諸軍討之 王世充梁州總管程嘉會以所

部來降

後魏置梁州於後儀因古大梁城以名州也此時以後儀為汴州而隋之梁郡治宋城縣宋城古睢陽也漢梁國都

之後魏以來以睢陽為梁郡王世充當于此置梁州

杜伏威遣其將陳正通徐紹宗帥精

兵二千來會秦王世民擊王世充

考異曰舊書伏威傳太宗之圖王世充遣使招之伏威請降高

祖遣使就并東南道行臺尚書令江淮以南安撫大使上柱國封吳王賜姓李氏按伏威封吳王在太宗討王世充前今從高祖大

宗寶

甲申攻梁克之

梁縣屬伊州杜佑曰汝州梁縣漢舊縣戰國時謂之南梁以別大梁少梁也

丙

戊黔州刺史田世康

黔州隋之黔安郡古黔中也

攻蕭銑五州四鎮皆克之

秦王世民選精銳千餘騎皆皂衣元甲分為左右隊使秦叔寶程

知節尉遲敬德翟長孫分將之每戰世民親披元甲帥之為前鋒

乘機進擊所向無不摧破敵人畏之行臺僕射屈突通贊皇公竇

軌

贊皇縣屬趙州隋開皇十六年置劉昫曰取贊皇山為名

引兵按行營屯猝與王世充遇戰

不利秦王世民帥元甲救之世充大敗獲其騎將葛彥璋

考異曰太宗實

錄云初羅士信取千金堡太宗令屈突通守之世充自來攻堡通懼舉烽請救太宗度通力堪自守且緩救以騙世充通東三烽以告急太宗方出援之左右未獲從以兩騎而進遇賊騎將葛彥璋射之應弦而墜擒之于陳後軍亦繼至通軍復振表裏奮擊世充大敗俘斬六千餘人幾獲世充今從河洛記 俘斬六千餘人世充遁歸 李靖說趙郡

王孝恭以取蕭銑十策孝恭上之

考異曰高祖實錄孝恭獻平銑之策帝嘉納之太宗實錄李靖

傳靖說趙郡王孝恭陳代蕭銑之計獻以十策高祖以孝恭未更戎旅三軍之任一以委靖授靖行軍總管兼攝孝恭長史事孝恭傳時李靖亦奉使江南以策干孝恭孝恭善之委以軍事蓋靖畫策使孝恭上之耳 二月辛卯改信州為夔

州巴東郡舊置信州今欲避皇外祖獨孤信諱故改之以孝恭為總管使大造舟艦習水戰

以孝恭未更軍旅以靖為行軍總管兼孝恭長史委以軍事靖說

孝恭悉召巴蜀酋長子弟量才授任置之左右外示引擢實以為

質 王世充太子元應將兵數千人自虎牢運糧入洛陽秦王世

民遣將軍李君弼邀擊大破之元應僅以身免世民使宇文士及奏請進圍東都上謂士及曰歸語爾王今取洛陽正欲息兵克城之日乘輿法物圖籍器械非私家所須者悉汝收之其餘子女玉帛竝以分賜將士辛丑世民移軍青城宮壁壘未立王世充帥眾二萬自方諸門出憑故馬坊垣塹臨穀水以拒唐兵東都城西連禁苑方諸門蓋自都城出禁苑之門也青城宮在禁苑中穀洛二水會于禁苑之中諸將皆懼世民以精騎陳於北邙登魏宣武陵以望之謂左右曰賊勢窘矣悉眾而出微幸一戰今日破之後不敢復出矣命屈突通帥步卒五千渡水擊之戒通曰兵交則縱煙煙作世民引騎南下身先士卒與通合勢力戰世民欲知世充陳厚薄與精騎數十衝之直出其背眾皆披靡殺傷甚眾既而限以長堤與諸騎相失將軍即行恭獨從世民世充

數騎追及之世民馬中流矢而斃行恭回騎射追者發無不中追

者不敢前乃下馬拔箭以貫馬授世民行恭於馬前步執長刀距

躍大呼距躍超距而跳躍也杜預曰距躍超越也斬數人突陳而出得入大軍世充亦

帥眾殊死戰散而復合者數四自辰至午世充兵始退世民縱兵

乘之直抵城下俘斬七千人遂圍之驃騎將軍段志元與世充兵

力戰深入馬倒為世充兵所擒兩騎夾持其髻將渡洛志元觸身

而奮二人俱墜馬志元馳歸追者數百騎不敢逼初驃騎將軍王

懷文為唐軍斥候為世充所獲世充欲慰悅之引置左右壬寅世

充出右掖門東都城南面三門中曰端門左曰左掖門右曰右掖門洛水逕其前有天津永濟中橋三橋臨洛

水為陳懷文忽引槊刺世充世充衷甲槊折不能入左右猝出不

意皆愕眙不知所為懷文走趣唐軍至寫口洛城中水於此寫放以流其惡因名之為

口寫追獲殺之世充歸解去表甲袒示羣臣曰懷文以槊刺我卒不能傷豈非天所命乎先是御史大夫鄭頊不樂仕世充多稱疾不預事至是謂世充曰臣聞佛有金剛不壞身陛下真是也臣實多幸得生佛世願棄官削髮爲沙門服勤精進以資陛下之神武世充曰國之大臣聲望素重一旦入道將駭物聽俟兵革休息當從公志頊固請不許退謂其妻曰吾束髮從官志慕名節不幸遭遇亂世流離至此側身猜忌之朝累足危亡之地智力淺薄無以自全人生會有死早晚何殊姑從吾所好死亦無憾遂削髮被僧衣世充聞之大怒曰爾以我爲必敗欲苟免邪不誅之何以制眾遂斬頊於市頊言笑自若觀者壯之詔贈王懷文上柱國朔州刺史并州安撫使唐儉密奏眞鄉公李仲文與妖僧志覺有謀反語

西魏置真鄉縣時屬綏州

又娶陶氏之女以應桃李之謠諂事可汗甚得其意

可汗許立爲南面可汗及在并州賊賄狼籍上命裴寂陳叔達蕭

瑀羅綱之乙巳仲文伏誅

庚戌王泰棄河陽走

去年七月世充使泰守河陽

其將趙寶等以城來降別將單雄信裴孝達與總管王君廓相持於洛口秦王世民帥步騎五千援之至轅轅雄信等遁去君廓追敗之 壬子延州總管段德操擊劉仝成破之斬首千餘級 乙

卯王世充懷州刺史陸善宗以城降 秦王世民圍洛陽宮城城

中守禦甚嚴大礮飛石重五十斤擲二百步八弓弩箭如車輻鏃

如巨斧射五百步

八弓弩八弓共一索也如古運弩今之划車弩亦其類也

世民四面攻之晝

夜不息旬餘不克城中欲翻城者凡三十輩皆不果發而死唐將

士皆疲弊思歸總管劉宏基等請班師世民曰今大舉而來當一

勞永逸東方諸州已望風款服唯洛陽孤城勢不能久功在垂成奈何棄之而去乃下令軍中曰洛陽未破師必不還敢言班師者斬眾乃不敢復言上聞之亦密敕世民使還世民表稱洛陽必可克又遣參謀軍事封德彝人朝而論形勢參謀之官蓋始於此德彝言於上曰世充得城雖多率皆羈屬號令所行唯洛陽一城而已智盡力窮克在朝夕今若旋師賊勢復振更相連結後必難圖上乃從之

世民遺世充書諭以禍福世充不報 戊午王世充鄭州司兵沈悅遣使詣左武侯大將軍李世勣請降左衛將軍王君廓夜引兵襲虎牢悅爲內應遂拔之獲其荊王行本及長史戴胄悅君理之孫也 寶建德克周橋虜孟海公

資治通鑑補卷一百八十八終